

ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅՈՒՆ
ԳՅՈՒՄՐՈՒ ԹԻՎ 38 ՀԻՄՆԱԿԱՆ ԴՊՐՈՑ ՊՈԱԿ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ ՔԱՂԱՔԱԿԱՆ ԳԱՂԱՓԱՐԱԽՈՍՈՒԹՅՈՒՆՆԵՐԻ
ՄՇԱԿՈՒԹԱՅԻՆ ԱՌՈՒՄՆԵՐԸ

ԿԱՏԱՐՈՂ՝ ԿԱՐԻՆԵ ԲՈՐԻՍԻ ԲԱՂԻՅԱՆ

/ԱՆՈՒՆ, ԱԶԳԱՆՈՒՆ ՀԱՅՐԱՆՈՒՆ/

«ԳՅՈՒՄՐՈՒ ԹԻՎ 29 ՀԻՄՆԱԿԱՆ ԴՊՐՈՑ» ՊՈԱԿ
ՊԱՏՄՈՒԹՅՈՒՆ

/ԴՊՐՈՑ ՄԱՍՆԱԳԻՏՈՒԹՅՈՒՆՆ ԸՍՏ ՎԵՐԱՊԱՏՐԱՍՏՄԱՆ ԽՄԲԻ/

ՂԵԿԱՎԱՐ՝ ԿԱՐԻՆԵ ԱԼԵՔՍԱՆՅԱՆ

/ԱՆՈՒՆ, ԱԶԳԱՆՈՒՆ /

Բովանդակություն

Ներածություն.....	4
§ 1 Պահպանողականություն (կոնսերվատիզմ).....	7
§ 2 Ազատականություն (լիբերալիզմ).....	9
§ 3 Ընկերավարություն (սոցիալիզմ).....	13
ա Կոմունիզմ.....	
բ Ֆաշիզմ.....	
գ Սոցիալ-դեմոկրատիա.....	
դ Անարխիզմ.....	
Ամփոփում.....	14
Աղբյուրներ և գրականություն.....	15

ՆԵՐԱՄՈՒԹՅՈՒՆ

Մույն աշխատանքի նպատակն է ներկայացնել քաղաքականգաղափարախոսությունը որպես մշակույթի արդյունք և մշակույթն ուղորդող երևույթ:

Գաղափարախոսությունը սահմանվում է որպեսգաղափարների և հայացքների համակարգ, որն արտացոլում է արտաքին միջավայրի և մարդկանց խմբերի նկատմամբ վերաբերմունքը և վերաբերվում է հասարակական հարաբերությունների ու դրա առանձին ոլորտների պահպանմանը, զարգացմանն ու վերափոխմանը: Գաղափարախոսություն տերմինը առաջացել է 17-րդ դարում: Այն առաջին անգամ շրջանառության մեջ դրեց Անտուան դե Տերեսին քաղաքական ենթատեքստով: Մակայնգաղափարախոսությունը կարող է վերաբերվել հասարակական կյանքի յուրաքանչյուր ոլորտին:

Գաղափարախոսությունները սկսեցին առաջանալ 14-րդ դարից՝ Վերածննդի դարաշրջանում, երբ առաջին անգամ ի հայտ եկավ հասարակական ճգնաժամը: Աշխարհի մասին կրոնական պատկերացումները փոխվեցին ռացիոնալ պատկերացումներով: Այդ ճանապարհին առաջին քայլը Ռեֆորմացիան էր: Այժմ հասարակական կարգը չէր պահպանվում կրոնականգաղափարախոսությամբ, այլ հիմնված էր քաղաքացիների համաձայնության վրա, որոնք իրենց իրավունքների և ազատությունների համար ստեղծում են պետություն:

Գաղափարախոսության առաջացման օրիցգիտության մեջ ձևավորվեցին տարբեր հայացքներ նրա կառուցվածքի և այն հոգևոր ազդեցության վերաբերյալ, որն արտացոլվում է հասարակության քաղաքական շրջանում:

Քաղաքականգաղափարախոսությունը իրենից ներկայացնում է հոգևոր կրթություն, որը քաղաքացիների վարվելակերպի նպատակային ևգաղափարական կողմնորոշումն է: Պետք է տարբերելգաղափարախոսության հետևյալ մակարդակները.

1. տեսական ըմբռնման – ձևակերպվում են հիմնական դրույթները, որոնք բացահայտում են որևէ խմբին պատկանող արժեքներն ուգաղափարները: Այս մակարդակը կարելի է համարել խմբի քաղաքական փիլիսոփայությունը:

2. քաղաքական-ծրագրային – սոցիալ-քաղաքական սկզբունքները ևգաղափարները վերածվում են ծրագրերի՝ ստեղծելով կանոնակարգված հիմք կառավարման որոշումներ ընդունելու համար և խթանելով քաղաքացիների քաղաքական վարքագիծը: Ծրագրերը ստեղծվում են քաղաքական պայքարի համար: Այս մակարդակում ստուգվում էգաղափարների կենսունակությունը: Քանի որ այս մակարդակը վերաբերում է կառավարությանգործողություններին, քաղաքական իրադարձություններիգնահատմանը, ապա այստեղ կարող են ինչպես տարբերգաղափարախոսություններ մոտենալ իրար, այնպես էլ միևնույնգաղափարախոսության մեջ կարող է պատակտում առաջանալ:

3. ակտուալացման - բնութագրում է քաղաքացիների կողմից տվյալգաղափարախոսության նպատակների ու սկզբունքների ընկալման աստիճանը, ինչպես նաև այդ նպատակների ու սկզբունքների իրականացումը իրենց պրակտիկգործողություններում:

Հասարակական կարծիքի վրագաղափարախոսությունների ազդեցության անկումը կամ տեխնոկրատական պատկերացումների տարածումը տանում է քաղաքականության ապագաղափարախոսացմանը:

Գաղափարախոսությունները ձևավորվում են էլիտայի ներկայացուցիչների կողմից: Յուրաքանչյուրգաղափարախոսություն ուղղված է որոշակի արժեքների հիմնավորմանը: Քաղաքականգաղափարախոսության ստեղծած արժեքները սկսվում են կիրառվել ոչ միայն քաղաքական ասպարեզում, այլև հասարակականգործունեության տարբեր ոլորտներում (կրթություն,գիտություն, արվեստ, տնտեսություն և այլն): Արժեքներն ու շահերը ուղղորդում են հասարակականգործունեությունը:

Ոչ քաղաքականության, ոչ էլ տնտեսության մեջ չեն իրականացում հասարակության նպատակները: Հասարակության նպատակները իրականացվում են մշակույթում: Բայց մշակույթը մի կողմից պայմանավորում է քաղաքականության, տնտեսության կոորդինեության այլ ոլորտների բնույթը, մյուս կողմից ենթարկվում է նրանց ազդեցությանը:

Որոշ դեպքերում մշակույթը հասկանում են որպես կոորդինեության տեխնոլոգիա, միջոց: Այս մոտեցման շնորհիվ առաջացել է մի պատկերացում, ըստ որի՝ մշակույթը քաղաքական կոորդինեության իրականացման միջոց է: Այս մոտեցման սահմաններում պատմականորեն պայմանավորված որոշակի հասարակական կազմակերպության տիպ ստեղծում է մշակույթի որոշակի տիպ:

Քաղաքական գաղափարախոսությունը հասարակական գիտակցության կարևոր մասն է կազմում: Հանդես գալով որպես ամբողջ գաղափարական համակարգի առանցքային կառուցվածք՝ քաղաքական գաղափարախոսությունը կարևոր դեր է կատարում հասարակության քաղաքական կյանքում:

Հնարավոր չէ նշել մեկ հասարակություն, որը միաժամանակ մեկ քաղաքական գաղափարախոսություն ունենար: Նույնիսկ առանձին անհատներն այդ հասարակության մեջ կարող են միաժամանակ մի քանի գաղափարախոսություն կրել: Դա կարելի է տեսնել ՌԴ-ում և ԱՄՆ-ում կատարված սոցիոլոգիական հարցումներում:

Այս աշխատանքը արդիական է, քանի որ նախ քաղաքական գաղափարախոսությունը մշակութաբանության տեսանկյունից ուսումնասիրված չէ, բացի այդ յուրաքանչյուր գաղափարախոսություն մշակութային ֆենոմեն է: Քաղաքական գաղափարախոսությունը համարվում է գաղափարախոսությունների առանցքը: Այն ստեղծում է հայրենիք, նաև ինքնագիտակցության մի տիպ, որ կապվում է քաղաքական կազմակերպության հետ՝ կուսակցական կամ պետական, և նույնիսկ վերպետական մակարդակով:

Քաղաքական գաղափարախոսությունը ստեղծվում է հասարակական կառավարման համար, ուստի հենվում է հասարակության մեջ գոյություն ունեցող հիմնական արժեքների վրա: Սակայն ստեղծված լինելով էլիտայի կողմից՝ քաղաքական գաղափարախոսությունն ինքն էլ ուղորդողի դեր է կատարում: Ուստի այս խնդիրը արդիական է, մանավանդ որ նոր քաղաքական գաղափարախոսությունների ստեղծումը շարունակվում է նաև այսօր:

Այս աշխատանքը կազմված է ներածական մասից, 3 պարագրաֆներից՝ պահպանողականություն, ազատականություն, ընկերավարություն, և ամփոփումից:

§ 1-ում խոսվում է կոնսերվատիվի ծագման և նրա հիմնական սկզբունքների մասին: Ինչպես նաև նշվում են նրա տեսակները, տարբեր գիտնականների կարծիքները այդ տեսակների մասին:

§ 1-ում նաև փորձ է արված նշել կոնսերվատիվի դրական և բացասական կողմերը:

§ 2-ում ներկայացված են լիբերալիզմի հիմնական գաղափարները, հիմնադիրների անունները, նրա տեսակները:

Սոցիալիզմը բաժանվում է մի քանի տեսակների՝ կոմունիզմ, սոցիալ-դեմոկրատիա, ֆաշիզմ, անարխիզմ: § 3-ում տրված են սոցիալիզմի տեսակների ընդհանուր բնութագիրը:

Աշխատանքը վերջանում է ամփոփումով:

§ 1 ՊԱՀՊԱՆՈՂԱԿԱՆՈՒԹՅՈՒՆ ԿՈՆՍԵՐՎԱՏԻԶՄ

Կոնսերվատիզմը ծագել է անմիջապես լիբերալ հոսանքի հետ միասին որպես հակաազդեցություն: Կոնսերվատիզմ տերմինը առաջին անգամ օգտագործել է Ֆ. Շատոբրիանը XVIII դարի վերջին: Կոնսերվատիզմը իրենից ներկայացնում է երկակի հոգևոր ազդեցություն: Մի կողմից այն հոգեբանական սահմանում ունեցող մտածողության ձև է, որը կապված է ինտելեկտի և սովորության դոմինանտության, որոշակի խառնվածքի, գիտակցության պաշտպանական համակարգի հետ, որը գերադասում է կառավարման նախորդ համակարգը՝ անկախ վերջինիս բովանդակությունից ու նպատակից: Մյուս կողմից կոնսերվատիզմը կյանքի և քաղաքականության մեջ վարքի համապատասխան մոդել է և յուրօրինակ գաղափարական կողմնորոշում իր փիլիսոփայական հիմքով, որը պարունակում է հայտնի կողմնորոշիչներ և սկզբունքներ քաղաքական մասնակցության, պետության նկատմամբ վերաբերմունքի, հասարակական կարգի մասին և որը կապվում է կոնկրետ քաղաքական գործընթացների, միությունների, կուսակցությունների հետ:

Որպես գաղափարախոսություն կոնսերվատիզմը էվոլյուցիայի է ենթարկվել: Սկզբում այն պաշտպանվում էր խոշոր ֆեոդալ-արիստոկրատական շերտերից, իսկ հետագայում նակզործարարների դասից և լիբերալիզմի հիմնադիր դրոյթներից (մասնավոր սեփականությունից, հասարակական գործունեությունում պետության միջամտության բացակայությունից և այլն): Դասական առումով հանդես է գալիս գոյություն ունեցող կարգերի, պատկերացումների և դրանց երաշխիքը հանդիսացող պետության պաշտպանությամբ:

Այդ պատկերացումների ստեղծման համար նախադրյալ հանդիսացան լիբերալների կողմից 1789 թ.-ի Ֆրանսիական Մեծ հեղափոխությունից հետո հասարակությունը վերափոխելու փորձերը: Կոնսերվատիզմի հոգևոր հայրեր Ժ. դե Մեստրը, Լ. դե Բոնալդը, Է. Բյորկը, հետագայում նաև Խ. Կորտեսը, Ռ. Պիլը, Օ. Բիսմարկը և ուրիշները փորձեցին հաստատել սոցիալական կարգերի գիտակցական բարեփոխման հակաբնականության միտքը:

Կոնսերվատիզմը ելնում են մարդու նկատմամբ հասարակության առաջնությունից. Մարդիկ անցնում են, ինչպես սովերենները, բայց հավերժ է հանրային շահը՝ (Բյորկ): Նրանց կարծիքով մարդու ազատությունը որոշվում է հասարակության նկատմամբ նրա պարտականություններով, նրա պահանջներին հարմարվելու ընդունակությամբ: Քաղաքական խնդիրները նրանք դիտում էին որպես կրոնական և բարոյական խնդիրներ, իսկ բարեփոխումների գլխավոր հարցը տեսնում էին մարդու հոգևոր այլակերպության մեջ, որը օրգանապես կապված էր ընտանիքի, եկեղեցու և բարոյական արժեքները պահպանելու նրա ընդունակությամբ: Ներկայում անցյալի պահպանումը ընդունակ է հանելու, ինչպես նրանք էին գտնում, ողջ լարվածությունը և պետք է դիտվի իբրև բարոյական պարտքգալիք սերունդների համար: Աթեիզմը, հավասարությունը, անհատականությունը, ռելատիվիզմը, գիտակցության պաշտամունքը նրանց համար հակաարժեքներ էին, որոնք կործանում էին հասարակության միասնությունը:

Այդպիսով կոնսերվատիզմի համակարգը հենվում էր ժառանգականության առաջնության, ընդունված կարգերի պահպանման վրա: Այս մոտեցման հետևանքով ձևավորվեցին և ամրապնդվեցին կոնսերվատիզմի գաղափարախոսության քաղաքական կողմնորոշիչները, հատկապես վերաբերմունքը սահմանադրության՝ որպես բարձր սկզբունքի նկատմամբ, որը իրականացնում է չգրված աստվածային օրենքը և չի կարող մարդու կողմից կամայականորեն փոխվել: Կոնսերվատիզմը աստվածացնում են պետության դերը հասարակության կյանքում, պետության ծագումը վերագրում էին Աստծո նախախնամությանը: Նրանք ասում էին, որ պետության դեմ դուրսգալը աստվածապղծություն է: Է. Բյորկը նույնիսկ

ասում էր, որ մարդիկ անցնում են, ինչպես սովերները, բայց ընդհանուր շահը հավերժ է: Փաստորեն հասարակական կարևոր ոլորտները պիտի գտնվեն պետության հսկողության տակ: Կոնսերվատորը մտածում է մենք՝ կատեգորիայով, այն ժամանակ երբ լիբերալը մտածում է ես՝ կատեգորիայով: Լիբերալը վեր է լուծում և մեկուսացնում է մշակույթի տարբեր բնագավառները, իսկ կոնսերվատորը ձգտում է ընդհանրական և համադրական մոտեցման,- նշել է Կ. Մանհեյմը: Ըստ կոնսերվատորների՝ քաղաքական կարգի հիմքում ընկած է աստիճանական բարեփոխումը՝ հենվելով փոխզիջման վրա: Ժամանակակից անգլիացի կոնսերվատոր Ժ. Գիլմորը գրել է. Հետևողականությունը երբեք չի եղել տորիի արժանապատվությունը, և այն չկա ոչ մի քաղաքական կուսակցության մեջ: Բայց ուրիշ կուսակցությունները գտնում են, որ նրանք պետք է հետևողական լինեն: Մենք հակառակում ենք համոզված: Սկզբում մենք պաշտպանում էինք պրոտեկցիոնիզմը (հովանավորչությունը), հետագայում՝ ազատ ձեռնարկությունը, ավելի ուշ նորից պրոտեկցիոնիզմը և նորից ազատ ձեռնարկությունը՝ կապված տնտեսական իրավիճակից: Մենք պաշտպանում էինք անհատին կամ պետությանը, որովհետև պետությունը և անհատը փոխվում են, և երբ մեզ ասում են, թե մենք հանկարծ դարձել ենք պետության թշնամիներ, պատասխանում ենք, որ այն պետությունը, որին մենք պաշտպանում էինք հարյուր տարի առաջ, արդեն գոյություն չունի:

XX դարի 70-ական թվականների առաջին կեսին կոնսերվատիզմը սկսեց հանդես գալ նեոկոնսերվատիզմի քողի տակ: Նրա առավել հայտնի ներկայացուցիչներ Ի. Կրիստոլը, Ն. Պադգարեցը, Դ. Բելլը, Զ. Բեդգինսկին և ուրիշները ստեղծեցին գաղափարների մի շարք, որոնք այդ ժամանակի տնտեսական ճգնաժամը հաղթահարելու միջոց էին: Կոնսերվատիզմի այս ձևը հարմարեցրել է ավանդական արժեքները արևմտյան հասարակության ուշ ինդուստրիալ զարգացման փուլի հետ:

Ըստ նեոկոնսերվատորների՝ պետք է ձգտել պահպանել հասարակության ամբողջականությունը, որպեսզի ապահովի անհատին կյանքի պայմաններով, որը հիմնված կլինի օրինականության և կարգապահության վրա, որը հնարավորություն կտա քաղաքացիներին ստեղծելու քաղաքական միություններ, նպաստելու քաղաքացիական հասարակության զարգացմանը: Եվ չնայած այդ մոդելը նախընտրում էր հասարակության և քաղաքացու փոխազդեցության դեմոկրատական սկզբունքը, այնուամենայնիվ նեոկոնսերվատորները պնդում էին հասարակության դեկավարման ուժեղացումը:

Կոնսերվատիզմը Եվրոպայում հին և ազդեցիկ գաղափարախոսություններից է: Սակայն գիտության մեջ միասնական կարծիք չկա նրա բնորոշ առանձնահատկությունների մասին: Օրինակ՝ Ա. Ա. Ֆրենկլինը առանձնացնում է կոնսերվատիզմի երեք տեսակ՝ լիբերալ, չափավոր և աջ կոնսերվատիզմ: Կ. Վիդենկոպֆը խոսում է կոնսերվատիզմի երկու տիպի մասին՝ արժեքային և կառուցվածքային կոնսերվատիզմ:

Կոնսերվատիզմը դիտարկում են նեղ և լայն իմաստով: Լայն առումով կոնսերվատիզմը հավերժ աշխարհայացք է: Ն. Ա. Բերդյանը գրում էր. Կոնսերվատիզմը պահպանում է ժամանակների միջև կապը, թույլ չի տալիս նրանց միջև վերջնական խզումը, կապում է անցյալը ապագայի հետ: Բերդյանին է պատկանում նաև այն միտքը, որ գոյություն ունի նաև վատ կոնսերվատիզմ, որը ուշացնում է ստեղծագործական առաջընթացը:

Կոնսերվատիզմի սկզբունքը համարվում է հասարակության ակունքների և մշակույթի ուսումնասիրումը:

Կոնսերվատիզմի գլխավոր խնդիրն է իրականացնել մշակութային արժեքների վերահաղորդում, պահպանել հասարակության մեջ կայունություն: Դրանում է կոնսերվատիզմի մշակութային նշանակությունը և ուժը:

Համաձայն Ա. Ա. Խամյակովի՝ կոնսերվատիզմը մշտական կատարելագործումն է, որը միշտ հենվում է գտող հնության վրա:

Ըստ կոնսերվատիվիզադափարախոսության՝ զարգացում կարելի է ապահովել՝ հենվելով ավանդականության՝ տրադիցիոնիզմի վրա:

Յուրաքանչյուր անհատ իր մեջ կրում է այդ տրադիցիոնալիզմը, բայց այն դառնում էգադափարախոսություն, երբ ավանդական մշակույթին շատ մեծ վտանգ է սպառնում:

Ժառանգելով հին հույն մտածողներ Լուկրեցիոսի և Դեմոկրիտի գաղափարները՝ լիբերալիզմը որպես ինքնուրույն գաղափարական հոսանք ձևավորվել է անգլիացի լուսավորիչներ Ջ. Լոկկի, Թ. Հոբսի, Ջ. Միլլի, Ա. Սմիթի քաղաքական փիլիսոփայության հիմքի վրա XVII-XVIII դարերում: Կապելով անձի ազատությունը մարդու հիմնական իրավունքների, ինչպես նաև մասնավոր սեփականության հետ՝ իր կոնցեպցիայի հիմքում դրեց ազատ մրցակցության, շուկայի, ձեռնարկության գաղափարները: Հասարակության զարգացման հիմքը դարձավ անձի ազատությունը:

Դրա հետ կապված՝ լիբերալիզմի քաղաքական գաղափարներն էին քաղաքացիների իրավունքների հավասարությունը, պետության դաշնագրային բնույթը, ինչպես նաև ավելի ուշ ժամանակներում ձևավորվեց մի համոզմունք, ըստ որի՝ քաղաքական, տնտեսական, կրոնական մրցող կազմակերպություններից ոչ մեկը քաղաքականության մեջ չի կարող ունենալ բարոյական առավելություն և գերիշխանություն մյուսների վրա: Ինչպես նշում է Ի. Վալերսթայնը, եթե սոցիալիստների համարգաղափարական նախագծերում գլխավորը նպատակն էր, իսկ կոնսերվատորների համար՝ փոփոխությունների դադարը՝ կապված անցյալի իդեալների հետ, լիբերալների համար, որոնք բացասաբար էին վերաբերվում առաջընթաց, պատմության օրենքներ՝ հասկացություններին, գլխավորը կյանքի ընթացքի արժեքի և փոփոխությունների ռացիոնալության գիտակցումն է:

Առաջացման օրից լիբերալիզմը բացասական վերաբերմունք ուներ պետության նկատմամբ, ընդունում էր քաղաքացիների քաղաքական պարտականությունները, կրոնական հանդուրժողականությունը, պլյուրալիզմը, սահմանադրականության գաղափարը: Իր գաղափարական էվոյուցիայի ողջ ընթացքում լիբերալիզմը փորձում էր գտնել այն թույլատրելի սահմանը, որով կարող էր ներխուժել անհատի անձնական կյանք: Ջոն Լոկը ասում էր, որ հասարակությունը, դրա տարբեր միավորումները, այդ թվում պետական հաստատությունները ստեղծում են մարդիկ իրենց ազատ կամքով և իրենց նպատակներին ծառայեցնելու համար, և եթե դրանք չեն ծառայում, պետք է փոխել: Լիբերալները մերժում էին պետության ամբողջատիրությունը և սահմանափակում էին նրա գործառնությունները իրավական և անվտանգության գործառնություններով: Ջոն Միլը նույնիսկ ասում էր, որ յուրաքանչյուր քաղաքացի պետությունից լավգիտի, թե ինչ է իրեն հարկավոր և ինչպես կարող է իր ուզածը ձեռք բերել, ուստի պետությունը չի կարող այդ հարցերում կարևորություն ունենալ:

XX դարի սկզբին ավանդական լիբերալիզմի կողքին ձևավորվեցին ուղղություններ, որոնք փորձեցին միավորել լիբերալների հիմնական գաղափարները նոր գաղափարների հետ:

Լիբերալիզմի հիմնական գաղափարների ամենասակտիվ պաշտպանը դարձավ լիբերտալիզմը, որը ժխտում էր նրա ներքին փոփոխությունների հնարավորությունը: Լիբերտալիզմի ակնառու ներկայացուցիչներ Ֆ. Հայեկը և Լ. Միգեսը կարծում էին, որ յուրաքանչյուր տնտեսական պլանավորում տանում է քաղաքական դիկտատուրայի, իսկ հասարակական զարգացման գլխավոր դիլեման պետք է տեսնել պլանավորման (տիրանիայի ձևով) և մրցակցության (ազատության խորհրդանիշ) միջև:

Պետության կառավարման ուժեղացումը և սոցիալական նպատակների բարձրացումը ստեղծեցին նեոլիբերալիզմը, որը հարմարեցրել է լիբերալիզմի ավանդական արժեքները XX դարի երկրորդ կեսի քաղաքական և տնտեսական իրադարձությունների հետ: Նեոլիբերալների քաղաքական ծրագրի հիմքում ընկած էին քաղաքական գործընթացում մասսաների մասնակցության, կառավարական որոշումներ իրականացնելու գործընթացի դեմոկրատացման գաղափարները: Եթե նախկինում քաղաքական կյանքում դեմոկրատիան մեխանիկաբար որոշվում էր մեծամասնությամբ, ապա նեոլիբերալները գերադասեցին առավելություն տալ քաղաքական իշխանության իրականացման ու կազմակերպման

այլուրալիստական ձևերին: Ռ. Դավր, Չ. Լինդբլոմը և ուրիշ նեոպլուրալիստներ կարծում են, որ որքան ավելի թույլ է մեծամասնության իշխանությունը, այնքան ավելի համապատասխան է լիբերալիզմի սկզբունքներին:

Լիբերալները դեմ են պատերազմին: Նրանց կարծիքով պատերազմ կարելի է հայտարարել միայն ինքնապաշտպանության համար:

Լիբերալիզմը որոշ առումով մերժում է այնպիսի ոլորտների պետական կարգավորումը, ինչպիսիք են արվեստը, գրականությունը, գիտական շրջանների գործունեությունը, ազարտային խաղերը, մարմնավաճառությունը, ակոնիոլի ու թմրանյութերի օգտագործումը և այլն:

Ռոբերտ Բյորկը դուրս է գալիս 'աջ' լիբերալների հավասարության և ազատության կեղծ մեկնաբանությունների դեմ: Ըստ նրա՝ հնարավորությունների մասին դասական պատկերացումը համարվում է ոչ բավարար, թելադրված հասարակության բուրժուական կառուցվածքի կողմից: Ռ. Բյորկի կարծիքով այդ հավասարությունը բազմաթիվ աղետների է բերում՝ բացառվում է տաղանդի, աշխատասիրության, ընդունակությունների և գիտելիքների դերը աշխատանքում, ուսման մեջ և վերջապես մշակույթում: Դրա հետ մեկտեղ Եվրոպական մշակույթը արմատականների կողմից ճանաչվում է հեղինակային. նրա փոխարեն առաջ է գալիս մուլտիկուլտուրալիզմը, այսինքն՝ համարժեք մշակույթների բազմազանությունը:

Դրա հետևանքով բազմաթիվ համալսարաններում ազգային փոքրամասնությունները ուսումնասիրում են ամեն մեկը իր առասպելական և անպայման 'վեհ' մշակույթը, որի հետևանքով չեն ծանոթանում ժամանակակից եվրոպական մշակույթի ձեռքբերումներին:

Դպրոցներում և համալսարաններում, նշում է Ռ. Բյորկը, նվազում են ուսուցման պահանջները: Որոշ համալսարաններում ուսանողները և դասախոսները հանդես են գալիս հավասար, որի հետևանքով դասախոսները խուսափելով կոնֆլիկտներից, ամեն ինչում զիջում են ուսանողներին:

Ռ. Բյորկի կարծիքով մեծանում են բոլոր կարգի փոքրամասնությունները: Ամերիկյան, ըստ Ռ. Բյորկի, դարձել է գոհերի ազգ:

Լիբերալ գաղափարախոսության սաղմերը կարելի է փնտրել Վերածննդի արվեստում: Հակադրվելով քրիստոնեական դոգմատիկ մտածողությանը՝ այն իր նախնական ձևակերպումներում ծայրահեղ բնույթ ուներ: Լիբերալ գաղափարախոսության առաջացման պատճառ կարելի է համարել նոր ձևավորվող կապիտալիստական հարաբերությունները: Այս պատճառով սկզբում այն էլիտայի գաղափարախոսությունն էր: Լիբերալ գաղափարների ընդունումը և կիրառումը հասարակության կողմից երկարատև գործընթաց էր և հասել է մինչև 20-րդ դար: Լիբերալ գաղափարախոսության արդյունք է ֆեմինիստական շարժումը, մշակութային և անհատական հանդուրժողականության տարածումը և այլն:

Լիբերալ գաղափարների ընդունումը հասարակության կողմից միանշանակ բացասական երևույթ չի կարելի համարել: Նախ կարևոր է նշել, որ որևէ քաղաքական գաղափարախոսություն միանշանակ չի ընդունվում հասարակության և նույնիսկ առանձին անհատների կողմից:

§ 3 ԸՆԿԵՐԱՎԱՐՈՒԹՅՈՒՆ ՍՈՑԻԱԼԻԶՄ

Սոցիալիստական գաղափարները աշխարհին վաղուց են հայտնի:

Սոցիալիզմի գաղափարախոսությունը հանդես է գալիս Թոմաս Մորի և Թոմազա Կամպանելայի մոտ:

Սոցիալիզմը որպես գաղափարախոսություն ձևավորվում է XIX դարի սկզբներին Մեն-Սիմոնի, Ֆաբյերի, Օուենի կողմից:

Սոցիալիզմի տարատեսակներն են կոմունիզմը, ֆաշիզմը, սոցիալ-դեմոկրատիան, անարխիզմը:

ա) Կոմունիզմ

Մարքսը և Էնգելսը տվեցին սոցիալիզմի տեսական բացատրությունը՝ մեկնաբանելով այն որպես հասարակության զարգացման առավել հեռավոր փուլ՝ կոմունիզմ, որը ներկայացնում է մարդկության զարգացման իրական նպատակը:

Մարքսիզմը իրենից ներկայացնում էր խիստ արմատական գաղափարախոսություն, որը շեշտը դնում էր <<լուսավոր կոմունիստական ապագայի>> ստեղծման հեղափոխական մեթոդին: Սոցիալիստական իրականության ստեղծման համար հեղափոխական, բռնի մեթոդների գերիշխումը գալիս էր մարքսիզմից: Պատմական առաջընթացի սխեման խիստ միակողմանի էր և հանգում էր հ հասարակական փոփոխությունների պլանավորմանը նյութական արտադրության մակարդակով, ներառած մշակութային, հոգեբանական և այլ գործոնները:

Ողջ պատմական առաջընթացն ընկալվում էր որպես հանրային-տնտեսական ֆորմացիաների հաջորդական հերթափոխում: Կոմունիզմի քաղաքական իդեալը հասարակական ինքնակառավարումն է, որը ենթադրում էր բնակչության ընդհանուր մասնակցությունը կառավարման որոշումներ կայացնելու գործընթացում:

Ըստ կոմունիզմի կատարելատիպի՝ կոմունիզմի առաջին փուլը սոցիալիզմն էր, որից անցում էր կատարվում երկրորդ փուլ՝ բուն կոմունիզմին: Կոմունիզմի հիմնական թերությունն այն էր, որ մերժում էր մարդկանց բնական անհավասարությունը:

Նոր հասարակությունը բնութագրվում էր նոր մարդու առկայությամբ, որն արհամարհում էր նյութական շահը, հիմնվում էր բարոյական այնպիսի պատկերացումների վրա, ինչպիսին է <<ընդհանուր բարոյության համար կատարված աշխատանքից հաճույք ստանալը>>:

Մարքսիստական ուսմունքի ներքին հակասությունների հետևանքով պայմանավորվեց դրա հետագա գաղափարական զարգացումը:

Չնայած իր գաղափարների բռնի տարածմանը՝ կոմունիստներն իրականացնում էին մշակույթի խիստ վերահսկողություն:

Կոմունիստական գաղափարախոսությունը հովանավորում է մշակույթը, բայց սահմանափակում է նրա զարգացումը: Հանդես է գալիս բանվոր դասակարգի կոլեկտիվների պաշտպանությամբ, հետևաբար մեծ ուշադրություն է դարձնում հատկապես այդ խավերի մշակույթի զարգացմանը:

բ) Սոցիալ-դեմոկրատիա

Մարքսիզմի մյուս էվոյուցիոն ճյուղը կապված է գերմանացի տեսաբաններ Կ. Կաուցկիի, Ա. Բեբելի, Է. Բեռնշտեյնի գործունեության հետ, որոնք դրական գնահատեցին պետության դերը սոցիալապես արդար հասարակության ստեղծման գործում: Նրանք կողմնակից էին նպատակին հասնելու խաղաղ միջոցներին, դասային համերաշխությանը:

Սոցիալիզմի գլխավոր արժեքը ոչ թե ազատությունն է, կայունությունը կամ հավասարությունը, այլ արդարությունը: Արդարությունն նշանակում է անհատական ազատության և հասարակական հավասարության, հասարակական կարգի և բարեփոխման համադրում:

Սոցիալիստները դեմոկրատիան հասկանում են հասարակական արդարության պահպանման միջոց և այն տարածում են ոչ միայն քաղաքական, այլև տնտեսական և հասարակական ոլորտ:

Է. Բեռնշտեյնի կարծիքով պետությունը հասարակությունը կառավարող օրգան է, որը դեմոկրատիայի ամրապնդման և համընդհանուր ընտրական իրավունքի հաստատման հետևանքով կորցնում է իր դասային բնույթը, դառնում է վերդասային և արտահայտում է հասարակության բոլոր անդամների շահերը: Ընդ որում՝ պետական իշխանությունը պետք է բաժանված լինի գործադիր, օրենսդիր, դատական իշխանությունների և պետք է հենվի պառլամենտական դեմոկրատիայի զարգացած ինստիտուտների վրա: Աշխատավորների բարոյության մակարդակի բարձրացման, նրանց սոցիալական ապահովության նպատակով պառլամենտական դեմոկրատիայի հնարավորությունների օգտագործումը հանդիսանում է առաջնային խնդիր ժամանակակից սոցիալ-դեմոկրատական կուսակցությունների համար:

Է. Բեռնշտեյնի տեսական նորությունները միջազգային սոցիալ-դեմոկրատիայի քաղաքական ուսմունքը դարձան:

Միջազգային սոցիալ-դեմոկրատիայի քաղաքական տեսության և պրակտիկայի մեջ կարևոր ներդրում է համարվում՝ սոցիալական պետության ըմբռնումը: Հասարակական առաջընթացը հնարավոր է միայն ձեռնարկատերերի և վարձու աշխատավորների համագործակցության շնորհիվ: Բացի այդ յուրաքանչյուր կողմ պետք է հաշվի առնի մյուսի շահերը: Տնտեսական կարգավիճակի բարձրացման պայքարում վարձու աշխատավորները չպետք է անցնեն այն սահմանները, որոնք բացառում են անհատ ձեռներեցների տնտեսական գործունեության շահավետությունը: Իրենց հերթին ձեռնարկատերերը պետք է ստեղծեն բարենպաստ պայմաններ (սոցիալական, տեխնոլոգիական, կրթական) յուրաքանչյուր աշխատողի օպտիմալ վերարտադրության համար, առանց որի աշխատանքի չի կարող լինել տնտեսական աճ:

Պետությունը ձեռնարկատերերի և վարձու աշխատողների հարաբերություններում համակարգող դեր է կատարում: Այն պաշտպանում է մասնավոր սեփականության ինստիտուտը, որը հանդիսանում է առաջընթացն ապահովող շարժիչը: Դրա հետ մեկտեղ պետությունը հոգ է տանում նրանց մասին, ովքեր սոցիալական պաշտպանության կարիք ունեն, որի համար ստեղծվել են պետական սոցիալական ֆոնդեր: Սոցիալական պաշտպանության համակարգը տարածվում է բոլոր սոցիալական խմբերի վրա և ոչ թե միայն սոցիալապես անապահով: Սոցիալական պետության համակարգով հասարակության մեջ առաջանում է եկամուտների առավել քիչ շերտավորում, որը ապահովում է սոցիալական կայունություն և հասարակական հարաբերությունների ներդաշնակություն: Պետությունը ակտիվ քաղաքականություն է վարում նաև աշխատանքի ոլորտում: Պետությունն իր վրա է վերցնում արտադրության համար անհրաժեշտ մասնագիտություններին աշխատավորների ուսուցման գործառույթը: Սոցիալ-դեմոկրատական իշխող կուսակցությունները իրագործում են հավասարության ապահովման տարբեր ծրագրեր առողջապահության, կրթության և այլ ոլորտներում:

Սոցիալ-դեմոկրատական հասարակությունների (Շվեդիա, Ավստրիա, Նորվեգիա, Շվեյցարիա և այլն) քաղաքական համակարգը հիմնված է հասարակական մակրոկոնսենսուսի (հիմնային արժեքների հանդեպ սոցիալական խմբերի համաձայնություն), իշխանության բաժանման և այլ սկզբունքների վրա: Հասարակական մակրոկոնսենսուսի սկզբունքի շնորհիվ պաշտպանվում են հասարակության սոցիալական տարբեր խմբերի և շերտերի շահերը: Դա պայմանավորված է հասարակության մշակութային նույնակերպության բարձր աստիճանով և արդարության, ազատության, դեմոկրատիայի իդեալների հանդեպ բնակչության կողմնորոշմամբ:

Սոցիալ-դեմոկրատների քաղաքական գաղափարախոսությունը և փորձը ստեղծեցին քաղաքական մշակույթի որոշակի տիպ, որի հիմքում ընկած են ռեալիզմը, այլախոհների հանդեպ համբերատարությունը, դեմոկրատիան, արդարությունը քաղաքական պայքարում և այլն:

գ) Ֆաշիզմ

Ֆաշիստական գաղափարախոսությունը ծագել է 20-րդ դարի 20-ական թվականներին: Նրա էվոլյուցիան, տարբեր երկրներում քաղաքական հարաբերությունների վրա ազդելու միջոցները նրա հանդեպ ստեղծեցին ոչ միանշանակ վերաբերմունք:

Այժմ քաղաքագիտության մեջ ֆաշիզմը երկու կերպ են հասկանում: Որոշ գիտնականներ այն համարում են քաղաքական գաղափարախոսության մի տեսակ, որը կազմավորվել է Իտալիայում, Գերմանիայում, Իսպանիայում 20-րդ դարի 20-30-ական թվականներին և այդ երկրներում հետպատերազմյան ճգնաժամից դուրս գալու միջոց է հանդիսացել: Ֆաշիզմի հիմնադիր է համարվում իտալական սոցիալիստների աջ թևի առաջնորդ Բ. Մուսոլինին: Նրա թեորիան, որը հիմնված էր Պլատոնի, Հեգելի էլիտար գաղափարների վրա, քարոզում էր ծայրահեղ նացիոնալիզմ, պետության անսահման իշխանություն և քաղաքական գործիչների էլիտարություն, փառաբանում էր պատերազմը և էքսպանսիան:

Ֆաշիզմի տարատեսակ էր նաև Հիտլերի նացիոնալ-սոցիալիզմը: Ֆաշիզմի գերմանական տարբերակը առանձնանում էր առավել հետադիմական իռացիոնալիզմով (գերմանական միֆ), իշխանության ավելի բարձր տոտալիտար կազմակերպումով և բացահայտ ռասիզմով: Օգտագործելով Ա. Գաբինոյի՝ ռասայական գերագնացության գաղափարները, ինչպես նաև Ի. Ֆիխտեի, Գ. Կրյոչկեի, Ա. Շոպենհաուերի, Ֆ. Նիցշեի որոշ թեզիսներ՝ գերմանական ֆաշիզմի տեսաբանները կառուցեցին իրենց գաղափարախոսությունը միֆական ժողովրդի քաղաքական կազմակերպության առաջնության իրավունքի հիման վրա:

Ազգի դաստիարակության մեջ Հիտլերը մեծ նշանակություն էր տալիս մշակույթի և արվեստի գործիչներին, որոնք իրենց արվեստով պետք է ծառայեին նացիոնալիստական գաղափարախոսությանը:

Մշակութային սկզբունքի հիման վրա նրանք բոլոր ժողովուրդներին բաժանում էին 3 մասի՝ մշակութաստեղծ (համարում էին գերմանացիներին, անգլիացիներին և հյուսիսային Եվրոպայի ժողովուրդներին), մշակույթին աջակցող (համարում էին սլավոններին, Արևելքի ու Լատինական Ամերիկայի բնակիչների մի մասին), մշակույթն ավերող (համարում էին սևամորթներին, հրեաներին, գնչուներին): Վերջին խմբին պատկանողներին պետք է անխնա վերացնել:

Ֆաշիզմի պատմական դրսևորումները կարելի է հանդիպել նաև ֆրանկիստական Իսպանիայում, Ճապոնիայում 30-40-ական թվականներին, Պորտուգալիայում Սալազարի, Արգենտինայում Պերոն (1943-1955) նախագահի օրոք, Հունաստանում 60-ական թվականների վերջին և այլուր: Նրա առավել բնորոշ գծերը հանդես են գալիս այնպիսի գաղափարախոսություններում, ինչպիսիք են նեոնացիզմը (հիմնված էր ռասայական մաքրության կգեր մարդու իդեալի սկզբունքի վրա), նացիոնալ-լիբերալիզմը և նեոֆաշիզմը:

Ֆրանսիացի գիտնական Ա. Միլզան առաջադրեց ֆաշիզմի զարգացման հետևյալ փուլերը՝

1. ֆաշիզմ, որը գոյություն ունի որպես ծայրահեղական շարժումների ճգնաժամի ձև, որը գրավել է փոքր բուրժուազիայի մի մասը, որն էլ հանդես էր գալիս կապիտալիզմի և ծայրահեղ աջ ուժերի դեմ,
2. ֆաշիզմը իշխանության գրավման համար կապակցող դեր է կատարում մասնավոր սեփականության և մանր բուրժուազիայի միջև,
3. ֆաշիզմը դառնում է առանձնահատուկ քաղաքական վարչակարգ,
4. ֆաշիզմը ձեռք է բերում տոտալիտարիզմի ստադիա:

Այս էվոլյուցիոն պատկերը թույլ է տալիս ավելի ցայտուն նկատել ֆաշիզմի սպառնալիքները, որոնք առավել ակնհայտ են դառնում հատկապես անցումային հասարակություններում: Դրանցում ֆաշիզմի գաղափարները բնորոշվում են հատկապես օրենքների բացակայությամբ:

Այլ տեսակետի համաձայն ֆաշիզմը համարվում է գաղափարախոսություն, որը առաջանում է այն ժամանակ, երբ քաղաքական ուժերի առաջին նպատակն է դառնում դեմոկրատիայի վերացումը:

Ֆաշիստական գաղափարախոսության հետևանքով մեծանում է առաջնորդի պաշտամունքը: Ֆաշիստական գաղափարախոսությունը հիմնված է առասպելական կերպարի և նպատակի վրա, որի դեպքում հաստատվում է անընդհատ պայքար թշնամիների դեմ: Ֆաշիստական գաղափարախոսության ստեղծողները իրենց գաղափարները հիմնավորում էին մշակույթի ճգնաժամով: Նրանք իրենց համարում էին մշակույթը փրկողներ: Ըստ ֆաշիստական գաղափարախոսության՝ իրենց գլխավոր առաքիլությունը մշակույթի փրկությունն էր և վերածնունդը:

գ) Անարխիզմ

Անարխիզմը քաղաքական ուղվածություն է, որի գլխավոր նպատակը պետության ոչնչացումն է և նրա փոխարեն քաղաքացիների ազատ միության ստեղծումը:

Անարխիզմի գաղափարները հայտնի են եղել դեռևս անտիկ և միջնադարյան մտածողների մոտ: Նոր ժամանակներում արտահայտվել է անգլիացի գրող Ուիլյամ Գոդվինի՝ Հետազոտություն քաղաքական արդարության մասին գրքում 1793:

Որպես 19-րդ դարի 40-70-ական թվականներին ձևավորված քաղաքական ուղղություն անարխիզմը որպես նշված նպատակին հասնելու միասնական գաղափարախոսություն հանդես չի եկել: Առանձնանում են անարխիզմի 4 հիմնական ուղղություններ՝ ինդիվիդուալիստական, մութուալիստական, կոլլեկտիվիստական և կոմունիստական:

Ինդիվիդուալիստական անարխիզմի հիմքում ընկած էր մարդու բացարձակ ազատության գաղափարը: Մարդն իր ցանկություններում և արարքներում չպետք է կապված լիներ գոյություն ունեցող կրոնական դոգմաների, իրավական և բարոյական նորմերի հետ: Այս ուղղության հիմնադիրը համարվում է Մ. Շտիրները, որն ինդիվիդուալիստական անարխիզմի հիմնական թեորիաները ներկայացրել է իր Միակը և նրա սեփականությունը գրքում 184:

Ամփոփում

Գաղափարախոսությունները միշտ գոյություն են ունեցել: Երկարատև գաղափարախոսությունը ստեղծում է մենթալիտետ, որը կարելի է համարել քաղաքակրթության բնագործ: Գաղափարախոսությունը մարդուն հասարակություն ստեղծելու հնարավորություն է տալիս: Մինևույնգաղափարախոսությունը միավորում, իսկ տարբերգաղափարախոսություններ թշնամացնում են մարդկանց: Տարբերգաղափարախոսություններ գործում են իրար զուգահեռ:

Գոյություն ունի հասարակական գաղափարախոսություն: Պատմական տարբեր դրաշրջաններում հասարակությունը կառավարել է կրոնական կամ քաղաքական ինստիտուտը, որի հետևանքով հասարակական գաղափարախոսության հիմքը եղել է կրոնական կամ քաղաքական գաղափարախոսությունը: Այժմ ևս որոշ հասարակություններ առաջնորդվում են կրոնական, իսկ որոշներն էլ՝ քաղաքական գաղափարախոսությամբ:

Յուրաքանչյուր գաղափարախոսություն ստեղծում է էթիկայի իր նորմերը:

Բոլոր գաղափարախոսությունները իրենց սկզբնական շրջանում խիստ ծայրահեղ են լինում և մերժում են նախորդ գաղափարախոսությունների նույնիսկ դրական կողմերը: Յուրաքանչյուր նոր գաղափարախոսություն իր մեջ կրում է նախորդ գաղափարախոսության տարրեր: Մի գաղափարախոսությունից անցումը մյուսին երկարատև պրոցես է:

Յուրաքանչյուր գաղափարախոսություն ստեղծում է իդեալականի իր կերպարը: Կրոնական գաղափարախոսության մեջ այդ կերպարը կատարյալ էր: Լիբերալ գաղափարախոսության իդեալական կերպարը մարդն էր: Այսինքն՝ այդ կերպարը պետք է անպայման ունենար թերություններ: Դա ստեղծում է ռեալիզմի ուղղությունը:

Կոնսերվատիզմի ստեղծած կերպարը համապատասխանում էր առասպելական կերպարին:

Յուրաքանչյուր քաղաքական գաղափարախոսություն ունի իր դրական և բացասական կողմերը:

Լիբերալիզմը մարդկությանը տվեց անհատական և մշակութային հանդուրժողականությունը, պլյուրալիզմը և այլն: Լիբերալիզմը խթանում է համասեռամոլության զարգացումը, որը աշխարհի դեմոգրաֆիական խնդիրը լուծելու հումանիտար տարբերակներից է:

Այժմ շատ երկրներ են հրաժարվել պետական կառավարման լիբերալ սկզբունքներից, սակայն այդ երկրներում էլ մշակույթի վրա լիբերալիզմի ազդեցությունը դեռ շատ մեծ է: Հասարակության կողմից լիբերալ գաղափարների ընդունման մասին է վկայում 20-րդ դարի 60-70-ական թվականների մշակութային հեղափոխությունը:

Կոնսերվատիզմը, ճիշտ է, դանդաղեցնում է առաջընթացը, սակայն պահպանում է ավանդական մշակույթը, առանց որի չի կարող ստեղծվել նոր մշակույթ:

Աղբյուրներ և գրականություն

1. Артемов Г. П. Политическая социология, Москва "Логос", 2002:
2. Бердяев Н. А. Философия неравенства, Париж: YMCA-Press, 1990:
3. Видяпина В. И. Бакалавр экономики, lib.wsu.ru/books, 2002:
4. Избранные статьи. Либерализм. Ru.wikipedia.org., 01.04.2009:
5. Конграшов В. А. Человек и культура в идеологии немецкого национал-социализма, condra@inbox.ru, 02.04.2009:
6. Консерватизм, Энциклопедический философский словарь, dic.academic.ru, 01.04.2009:
7. Муравьев П. А. Современный либерализм и декаденство в Америке, www.russian-americans.org, 01.04.2009:
8. Политические идеологии, Society.polbu.ru, 10.11.2008.
9. Солонин Ю. Н. Философия и социально-политические ценности консерватизма в общественном сознании России, Санкт-Петербургский государственный университет, 2004:
10. Хаджиев Г. С. Политическая наука, М. 2001: